

## Oet de oale deus. Jubileum bie Spanjaard

*Henk ten Thije*

"Foto's, foto's het bint papiern dingn  
mer elkn foto hef veur alleman aait ne herinnering."  
(oet 'n leedje van Jan Kleinman)

**Vandaag an'n dag is t nog mer zealdn daj in de kraant least dat leu viert dat ze 25 of 40 joar weerkt bie n zölfdn baas. Vrogger, loaw zegn, in n veurigen eeuw, was dat slagmoals raak. Mangs stun dr wa twee tot dreemoal in de wekke n stuk oawer jubilarissen in de Boornse kraant, 't Dagblad van t Oostn, De Tweantse kraant of t Hengeloos Dagblad. Dr wodn ok meer andach an besteed as rechtevoort. t Bedrief leut op dizze menier zeen dat ze waardeern dat de leu zo lang bie heur wearkn. Het wadn aandre tiedn, mer toch . . . . . Ze maakn dr weark van!**

En dat gung in de viefteger joarn, ongeveer zo: Meneer Nijhuis (Niejhoes van de Muske) is 40 joar in deenst bie Spanjaard. Hee is hoofdtouwbaas in de damastweaweriej, n onderdeel van de weaweriej, van t bedrief dat ooit t grootste van Boorn was. Niejhoes hef veertig joar lang n weg noar "t febriek" ofleg en is veertig joar teegnoawer t station langs de portier de poort inloopen en noe wodt hee doorvuur bedaankt.

Op n dag van t jubileum hef Niejhoes natuurlijk vriej. Den monn trek hee, in plaats van ziene wearkkleer, t beste pak an en wod hee met ziene vrouw, um 10 uur van t hoes ophaalt met n taxi van garagebedrief Ellenbroek dat vestigd is op n hook van n Cuba teegnoawer drukkeriej Over. Zo komp t echtpaar Niejhoes dan noa veertig joar trouwn deenst met n taxi veur t hoofdketoor van Spanjaard an de Stationsstroat. Ellenbroek helpt met oetstapn en zo goat ze via de hoge zwatte duurn t bedrief binn. Dat is nog is wat aans dan langs de portier.

Ze wodt welkom heetn deur Jo Weghorst, tillefoonjuffrouw van Spanjaard. Efkes later komp juffrouw Maneschijn, moatschoppelijk wearkster en personeelschef Hagreis en dee nemt t echtpaar Niejhoes met noar t ketoor van n hoogsten baas, direkteur Bosma. Door kwam dan ook n chef van de weaweriej, bedrijfsleider Hartkamp, nog bie zittn. Met n köpke koffie van Landkroon, kantinebaas van Spanjaard, wödn t dan n geneuglijk uurkn saamn met de vrouw bie n hoogstn baas van t bedrief. En dat haj dan, duch mij, ook wa verdeent. Van t bedrief kreej toerndertied as kedo n oetgebred Textiel-pakket en dat was nig verkeerd.

Noa t geneuglijk 'samenzijn' bie de direktie, gung t dan met n bedrijfs-leider t febriek in en dan wödn ie op de ofdeling deur de collega's ook nog in de zun zet. De ofdeling wödn stop zet! In dit geval de hele weaweriej en wödn n jubilaris, temiddn van t voltallige personeel toosprökkn deur n bedrijfsleider. As blik van waardering beud hee naams alle collegas een kedo an.

(In de wekke veur t jubileum wör dr met de pet roondgoan. Van t totale bedrag wödn t kedo koch. t Was gebroek daj per persoon n kwartje(!) in de pet deedn). Noa de plechtigheid wödn de töwwe wier anzat en gung alleman wier an t weark.

Dan pakn de man den dr met belast was de tillefoon, beln n plaatselijkn correspondeant van de kraant en deu verslag van t jubileum bie Spanjaard. Den spöln t wier duur nor de redacties van de verschillnde dag en wekblaadn. En n aandern dag stun



De Stationsstroat zoas t ooit was. Links t ketoor van Spanjaard.  
Foto: collectie gemeentearchief Borne, nr. 000890D

dr n stuk in de kraantn. Mooi vuur n jubilaris, mooi vuur t bedrief.

Manches gungn ze ook nog met meka op n foto. Op onderstoandn pretret zeej jubilaris Niejhoes, um-

ringd deur ziene vakbreurs. Let op t feestelijke Rood Wit Blauw op n achtergrond en n versierdn stoel van n jubilaris.



1 Kinos	21	40
2 Jan(tje) Slagers	22 Beernd Wiggers	41 Peddemors
3 jubilaris Nijhuis (de Muske)	23	42
4 Drent	24 Albert ter Riet	43 Morskiefte
5	25	44
6 Nijhof (n Poedel)	26	45 Ten Dam
7 Hilverink sr.	27	46 Roelof Kremer
8	28 Geerts	47 Kolner
9	29	48 Willem ten Thije
10 Kamperman	30	49 An Vloedbeld
11 Ballast	31 Arend Hondebrink	50 Snijders
12 Geelen	32 Kokenberg	51 Johan Kevelham
13 Jan Lucas	33 Vloedbeld	52 Hennik Smit (oet n Cuba)
14 Jenneboer	34 Tip	53
15	35 Van de Riet	54 Bernard Bretveld
16 Boswinkel	(later bedrijfsleider)	55 Mulder
17 Mulder	36 Hartkamp (bedrijfsleider)	56 Keizer
18 Jantje Bloemendaal	37 Stijnenbosch	57
19 Van de Veen	38 Bosch	58 Reuver
20 Albert Loo	39 Hennik Kempers	

En dan nog efkes dit:

t Was gebroekelijk dat leu in de loop van t joar woarin ze jubileerdn, ne Koninklijke onderscheiding kreeg. Wiej hebt nooit begreppn woorum dr verschil wödn maakt tussen bazen en arbeiders. Ar-

beiders dee veertig joar in deenst wadh kreeg brons en bazen kreeg zilver.

**Met dank an:**

Arend Kevelham, Johan Kevelham en Arend Wisman.